


御批歷代通鑑輯覽

御

江苏工业学院图书馆
藏书章

通
監
輯
覽



通鑑輯覽序

編年之書莫備於

皇祖

御批之資治通鑑綱目蓋是書集三編爲一其時其時周禮沿末明初振綱挈目謹予嚴奪足以昭萬世法益書益書法而爲不日手其帙而心其義也然

皇祖

雖管挾精微徵辭旨著論百餘首亦惟析疑正餘首亦惟析疑於其書則一仍厥舊無所筆削也故全書篇幅雖多而議論乃什倍於事實卽如前編之中總論史論音釋辨疑考證紛不一家正編之中凡例發明書法考異集覽考證正誤質實濫觴益甚至於續編之作成於有明諸臣其時周禮沿尹起莘例作發明而廣義則出於張時泰效劉友益書法而爲之者夫發明書法其於歷朝興革正統偏安之際已不能得執中之論而況效而爲之者哉且以本朝之臣而紀其開國之事自不能不右本朝而左勝國此亦理之常也況三編中嬗代崛起之際稱太祖而繫以我者不一而足亦非體例也故命儒臣纂歷代通鑑輯

覽一書盡去歷朝臣各私其君之習而歸之正自隆古以至本朝四千五百五十九年事實編爲一部全書於凡正統偏安天命人心繫屬存亡必公必平惟嚴惟謹而無所容心曲徇於其閒觀是書者稟天命之無常知統系之應守則所以教萬世之爲君者卽所以教萬世之爲臣者也書中批論一依

皇祖

之例自述所見據事以書者十之三儒臣擬批者十之七而經筆削塗乙者七之五卽用其語弗點竄者亦七之二云

乾隆丁亥秋月御筆

太子太保協辦大學士湖廣總督兼署湖北巡撫

臣李鴻章謹

奏爲遵

旨設局刊書隨時頒布以資實學而廣人材恭摺奏祈

聖鑒事竊查接管卷內准禮部咨議覆御史范熙溥奏軍務肅清省分亟應振興文教請將所屬書院妥爲整頓

奉

旨依議欽此續又准咨同治六年五月初二日奉

上諭鮑源深奏請刊刻書籍頒發各學一摺等因欽此恭錄行知均經前署督

臣

李瀚章前撫

臣

曾國荃會商辦

理省城江漢書院業已建復舊規照常甄別錄課其外府州縣本有書院之地亦皆先後興葺次第繕完延師月課士氣蒸蒸嗣於六年十月十五日開設書局派委候補道張炳堃補用道胡鳳丹妥爲經理惟楚省三次失陷遭亂最深士族藏書散亡殆盡各處書板全燬坊肆無從購求此次設局刊書祇可先其所急除四書十三經原註讀本爲童蒙肄習之書業經刊刻頒行各學外伏思

欽定七經

御批通鑑集經史之大成尤爲士林圭臬其餘說文文選牧令政治等書亦皆切於日用節經訪覓善本次第開雕現在浙江江甯蘇州湖北四省公議合刻二十四史照汲古閣十七史板式行數字數較各家所刻者爲精密擬卽分認校刊選派樸學員紳悉心覈對添募工匠陸續付梓一切經費酌提本省閒款動用勿使稍有糜費俟各書刻成之日頒發各學書院並准窮鄉寒儒書肆賈人隨時刷印以廣流傳庶幾禮讓同敦嚮陵默化以仰副

聖主一道同文之至意再前此設局之始各書尙未購齊是以稍遲出奏合併聲明所有湖北省城設立書局現辦情形理合恭摺具奏伏乞

御批歷代通鑑輯覽奏疏

御批歷代通鑑輯覽 奏疏

皇太后

皇上聖鑒謹

奏同治八年六月十三日奉

旨知道了欽此

凡例

一歷代通鑑纂要本明正德間所輯其書倣宋司馬光舉要之例上自伏羲下迄元代凡九十有二卷我皇上幾餘省覽以編內採錄尙未精審

特勅重加訂正并增入明代事迹釐爲一百十六卷附明唐桂二王本末四卷發凡起例皆經審裁鑒定盡善盡美集史學之大成實足表裏六經準式萬世

一朱子綱目及前編續編我

聖祖仁皇帝御批刊布昭如星日我

皇上聖學高深緝熙繩

武凡數千百年史策得失靡不條貫兼綜折衷美備臣等以次屬稿進

呈仰蒙

親御丹毫詳加

論定其間析疑考異洞悉毫芒而大義所昭

微言特揭謹次第敬錄簡端用垂

至教

一年經事緯提綱分目一依朱子綱目書法

一大書以提要分注以備言此綱目舊例也今提綱綴目皆酌用大書取便觀覽其有事非一時而牽連並及或語非至要而采摭堪資者則用小字附書至注內有更須詮釋者空格以別本文務使眉目朗然無

淆視記

一表歲首年綱目第一要義高辛以前無甲子可紀帝堯甲辰以後謹遵

聖祖仁皇帝御批綱目前編用邵子皇極經世書例編次干支標於每年之上歷代倣此至唐虞稱載夏稱歲商稱祀周以後稱年皆隨其代而書之

一劉恕陳桮通鑑外紀胡宏皇王大紀皆始於盤古其說荒遠難稽金履祥通鑑前編始自唐堯於上古事又多闕略今以孔子繫易爲斷肇始而義不更遠溯遠古

一我

國家誕膺

符命朱果發祥瑞貺屢臻昭燦今古

太祖高皇帝肇興大業

太宗文皇帝嗣炳鴻謨凡偉烈豐功事關明紀者自宜登諸簡策用昭

興運之隆今並恭依

實錄敬謹纂輯

一尙書備稱祀載春秋首紀春王統事表年實史家大法是書於歷代紀年之際大書分注進退攸關皆仰稟

聖謨權衡允協其有未改歲而事涉兩朝者則並用一年兩系之例以存其統

一正統偏安之辨其界最嚴前史每以興代而紀載前朝因多徧徇若續綱目於宋元明之際更屬不公瀛國旣執而猶以宋紀年順帝未亡而即標明國號任意低昂適足貽譏識者今自景炎而後至正以前皆恪奉

宸裁統歸元紀至於明之崇禎十七年明統尙存亦用大書紀歲而福王事蹟並遵

官采輯附書明紀大公至正曠古無倫謹於一百十六卷內恭錄

御製文冠諸卷首以昭定論

一凡立綱書法褒貶攸關仰蒙

睿鑒精詳折衷至當大義炳然如賈充褚淵等之書死狄仁傑之書周唐肅宗之書太子徐壽輝之書害並以變

文示義

特筆所垂發千古未發之隱洵足微顯闡幽永彰法戒

一綱目始於周威烈王之二十三年前編亦止於是年二書起訖之際自當區分明晰今於初命晉大夫一條另標卷首以還二書之舊

一史法固宜簡要而紀載實貴詳明今自三代以前皆上本六經旁稽諸子秦漢而後事迹滋繁從本史以迄外乘裨官無不博采彙參以衷至是其或異同互見之處並加案語考定弗蹈兩歧

一綱目凡例凡命官惟宰相皆書餘官非有故不書今酌用其例凡宰臣之拜免及卒皆書其非有事迹顯然者則於他條互見若非宰相而用舍有關國是者則以特書例書之

一前史措詞類多失實而南北區分之會則彼此互指斥尤舛至公如五代晉之於遼南宋之於金於元皆嘗稱臣稱姪而交兵構釁猶以入寇書之於情義實爲未協今並恪遵

指示酌量改定書法悉去偏私以歸至正

一綱目一書乃朱子門人纂集紀年系月舛誤尙多至續綱目所載尤爲疏略失當如分和勒博蕭幹爲二人之類踳駁疊見考證難資今依据正史博稽羣籍悉正牴牾之舊以臻完善之觀

一凡輿地名目悉案現在郡邑沿革注其大略其有謬誤相沿之處仍行核正不使異義少滋至於

本朝聲教四訖遐方絕域盡入版圖如河有重源足證篤什傳聞之誤實爲得諸目覩一破羣盲今並詳加案

語用以垂信方來

一凡卷內所見人名字里並依本傳詳注其有本史未立傳者則爲旁采諸書俾無滲漏至或有一人而異名及數人而同名者亦悉分晰證明以資考核

一金元二史出自後代儒臣之手大抵音譯失宜乖舛滋甚歷蒙指示以國語及蒙古語證合本音本義無不確合近又

命喀爾喀親王成袞札布進所藏蒙古源流一書堪以互爲考證今並遵旨詳加譯改仍於初見處注明舊作某某字樣俾開卷了然足資考據

一唐宋而後野史漸夥增飾流傳殊難依據若宋太祖之斧聲燭影明惠宗之遜國出亡等事異說滋多尤當剖晰是非以昭定論今並隨文駁正勿使滋惑傳聞致乖大義

一凡一事而首尾相距頗遠者綱目於前後皆爲立綱雖起訖自明而檢尋未易今皆量其事之本末酌行總敘或於初見一條備言其終或於最後一條追敘其始仍用先是至是及初字尋字等文分別紀錄眉清目朗庶覺貫串非難

一綱目定例書月不書日今仍其舊惟日食則仍系日其或有事迹紛冗必須詳載干支次序方能明丁者則亦於目內書日以別之

一先儒論斷其醕正可取者間加甄錄具載姓名其采於本史者則曰史臣或稱某史贊以別之

一史家音注如司馬貞之於史記顏師古之於漢書胡三省之於資治通鑑並稱詳贍今於奧義奇文間采諸家之說爲之箋釋至如賀善之贊尹起莘之發明以及周禮張時泰等所述皆撫拾空談文蕪義淺並加刊削以省繁文

一杜預解左傳及胡三省解通鑑多有注某事始此某人始此等例今於事之有關係者並倣其例酌加標

注以便檢尋

御批歷代通鑑輯覽告成進

呈表

大學士公臣傅恆等奉

勅編纂

御批歷代通鑑輯覽告成謹奉

表上

進者臣恆等誠惶誠恐稽首頓首

上言欽惟我

皇上

法古綏猷

右文成化

稽帝堯而稽帝舜考禮樂以等百世之王

監有夏而監有殷秉權衡以定一中之統刊歷代廿二家之史文訂差訛紀勝國三百載之書編沿正續廣修

明於舊典取鑒無遺闡義例於微言折衷有待惟

作者之謂聖體則史而義則經洵

煥乎其有文指以千而言以萬成編既定

至教斯垂原夫在昔有邦若時稽古因文見義用布訓於丹青比事屬辭咸取裁於筆削蓋史使其記必明取舍

之宜而鑑監於前實具是非之迹至編年以定體尤提要而徵文涑水之表歲系時哀輯實原於漢紀紫陽

之列綱分目指歸悉本於魯書洎遞嬗夫元明亦間沿爲著述然而年芟益部不同習氏之存劉系黜房陵

御批歷代通鑑輯覽進表

莫問昭公之在管合書地書人以表例柄鑒恆多繁歲陽歲陰以表名盾矛不免雖糾唐有作文人之習相沿而譏鄧無庸史法之傳漸失乃在前明中葉復有纂要一書略具規模倍多踳駁魯魚錯見沿古牘之乖譌臧否失宜任詹言之蕪漏當發函於

幾暇欲訂毫釐因付館以編摩載陳圭臬纂排數載薈萃羣書授青簡而

肇錫嘉名

御丹毫而時抒精義溯自分編以論次逮茲削藁而觀成凡條目之攸紛幸

容裁之悉稟

闡特標之論覺管窺蠡測而無由

垂刪定之文實壤薄流涓之莫助承素王而續彝典說明則道自可行仰

聖祖而紹前聞揆一則心無不合昭其經法大旨備而悉奉指南示以變通舊例繁而不皆從朔大用策而小用牘若網在綱國爲緯而年爲經咸指諸掌審是非而繩懸悉準具首尾而囊括無餘紀載之例恭嚴宜事增而文省見聞之辭各異故遠略而近詳或分注以備言特書與附書並列或後經以終義事本與事末兼該披月竊之輿圖悉河判重源之實考星經之次舍知躔同五緯之誣國語則遙證金源按出之傳譌始剖世牒則遠徵蒙古卻特之受姓咸稽以至正字審音三蒼並協旁及釋名辨物五雅兼資凡質實而辨疑盡部居而州次譬校讐於掃葉作述之義昭如攄體要於挈裘興替之端備矣且夫正統偏安之辨尤屬人心天命所關即良史未協於大公

所關即良史未協於大公

宸斷獨衷於是蓋自緹油失職恆緣諱飾爲文迨至光岳分區浸以詆譏成習名互稱夫屬索徒相嘲出聘之車號已貶於孫臣尙欲修橫磨之劍總偏私之曲徇致名義之都乖况如丙子讖成宋祚隨江湖並歇庚申史就元基與塞草同荒乃或續景炎於南渡之餘更且擯至正於北遷之始皆妄如其予奪遂盡悖乎公

惟

至聖之制義因心故定案必循名責實創紀年於閏位凜乎大命之難謚改書寇於舊條截然內詞之真假實從古未發之義於此心適得所同屬勝朝改玉之時當

聖代膺圖之會欣際

六龍乘御大一統已悉受周疆

特念五馬倉皇小朝廷尙僅留夏肄殉黃巾於冀北既大書春月之三擅白版於江東遂并紀福王之一運分甲乙存殘局而國號斯加事附閩滇溯遺封而藩稱非僞是皆擴

天地爲公之量覆載同符因之冠

星雲有倬之章典謨並燦春秋之旨在居正奉正義以無私帝王之事集大成勒成書於有永允矣無偏而無黨粲然是訓而是行至

特筆之所垂統全書而咸貫劍南之冊未至肅皇不改儲稱上都之號猶存懷邸難逃篡字循莽大夫之例望石城而冷笑褚公冠周平章之名對高廟而多慚狄相莫不約羣紛以炳義本

彝訓以敷言立綱常名教之大防極微顯婉彰而一致信讀書之貴得間不啻引錐而畫沙審觀人之必於微乃如鑄鼎以象物蓋揚王鈇以治萬世非

天子莫操其權而會民極以執兩端綱

聖人能見其大昔者蘭陵通史繁華徒侈千篇貞觀晉書論斷祇存四贊咨忠臣而錄袁粲甯本親裁侈盛事而補陳橋何關正體從未有定書法則

軒鏡心懸著史評則

堯文手勒善者勸而惡者懼知衰鉞之非空言參於天而驗於人在方策以明大道書成一百二十卷盡善盡美御批歷代通鑑輯覽進表

而蔑以加事紀四千五百年舉要舉凡而得其當臣等學慚閱覽才謝淹通識故籍而有愧五難論先民而粗聞十例時政記言起居記事願依左右史之班伯恭知古君舉知今難參大小賢之列屬操觚於虎觀濫廁分排承執簡於麟編幸邀

鑒定惟子夏得其書矣詎能贊夫一詞若皋陶見而知之實叨榮於千載從此名山藏副定百家作史之模更欣祕殿刊成闡奕禩傳心之要臣等無任瞻

天仰

聖激切屏營之至謹奉

表恭

進以

聞

乾隆三十三年正月初十日

大學士臣傅恆

大學士臣尹繼善

大學士臣劉統勳

協辦大學士臣尚書公阿里袞

協辦大學士臣尚書劉綸

戶部臣尚書于敏中

刑部臣尚書舒赫德等謹

上表

監理

武英殿管理事務多羅履郡王臣永城

經筵講官武英殿管理事務戶部左侍郎總管內務府大臣臣英廉

武英殿管理事務正紅旗漢軍副都統臣和爾經額

校刊

經筵講官武英殿總裁禮部尚書臣王際華

經筵日講起居注官武英殿總裁兵部右侍郎兼翰林院掌院學士敎習庶吉士臣覺羅奉寬

監造

內務府管理六庫事務郎中加十級紀錄五次臣六十九

內務府營造司郎中加一級紀錄七次臣誠意

南苑員外郎兼佐領臣劉渚

武備院主事加一級紀錄七次臣永善

內管管領臣扎欽

副管管領臣六格

監造加三級臣吉蘭泰

監造加三級臣文殊保

庫掌臣六達塞

庫掌臣伊靈阿

校對

日講起居注官武英殿提調左春坊左贊善臣彭紹觀

武英殿提調翰林院編修臣陳淦

翰林院編修臣張書勳

翰林院編修臣姚頤

翰林院編修臣陸費墀

翰林院編修臣陳昌圖

翰林院編修臣陳桂森

翰林院編修臣黃良棟

翰林院編修臣徐天柱

翰林院編修臣秦泉

翰林院編修臣劉錫嘏

翰林院編修臣楊壽楠

翰林院編修臣張運暹

翰林院編修臣李學錦

翰林院編修臣顧天駿

舉人臣袁錫衡

舉人臣毛圻

副榜貢生臣戚健中

副榜貢生臣楊有源